

Estd. 1983

Reg. No. 386 (MZ)



MARYMA

Ramhlun North YMA Chanchinbu

“YMA thuvawn: YMA chu tanpui ngaite tanpuitu



YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan

Vol. 44

Issue No. 35

Ramhlun North: Ni 29 August, 2026



SUB-COMMITTEE THU

■ **Property sub-committee:** Kar hmasa Inrinni chhun khan Property sub-committee ten Committee room tukverh te siamin an hnatlang.

■ **Music sub-committee:** Ni 22.08.2026 (Inrinni) khan Music Room kawngkhar te enfelin hnatlang an nei.



SECTION THU

■ **Saizahawla Section:** Tv. Lalthuammawia, S-Sec, c/m chuan ralna bawm tha zet mai S-Sec. te a pe a, a chungah hruaituten lawmthu an sawi.

■ **Khuangchera Section:** Ni 29.08.2026 (Inrinni) zan khan Section committee an nei a, sumtuakna tur ngaihtuah a hmalak mek a ni.

■ **Vanapa Section:** Ni 25.08.2026 (Thawhlethni) zan khan committee an nei a, hun remchang hmasa berah Section bungraw enfel leh sound training neih an tum.



CYMA THU

■ Ni 22.08.2026 - 28.08.2026 chhunga Central YMA hnuai Ruihhlo Do Pawl, Central Anti Drugs Squad (CADS) ten Ruihhlo leh a kaihnawih an man te:

1. Herion No. 4 -
- (a) Hawng 1 - (12g)
- (b) Tictac bur - 203 (78.007g)
- (c) Bagha cap - 130 (4.167g)
- TOTAL: 94.244g
2. Crystal Meth - 649g
3. Ganja - 534g
4. AP - 321 tab.
5. Mihirng man - 37
6. Counselling kaltir - 29

■ Central YMA buatsaihin Central YMA Hall-ah YMA Kumpuan Ruihhlo Do bawhzui dan sawihona leh HIV/AIDS Awareness Campaign hun hman a ni a, Central YMA OB, CEC, Aizawl City Branch YMA hruaitute an tel.

Library duty turte:

1. RD Vanlalhmangaihzei, N-Sec.
2. Ruth Biakchungnungi, T-Sec.
3. Lalnunpuii Hmar, T-Sec.
4. Lalremuatfeli Pulamte, K-Sec.
5. Zodinpuui Zote, T-Sec.
6. Lalmawizuali, S-Sec.

RAMHLUN NORTH BRANCH YMA BAND PAKHATNA

(ROCK CITY-AH KAN LO LAWM A CHE U)

Ramhlun North, the 29th August, 2026: Central YMA-in zai leh rimawi hmanga intihsiakna a buatsaih hmasak ber, LBS Suzuki 1st Inter Branch YMA Band Contest, 2026-ah Ramhlun

North Branch YMA Band-te a thiam ber niin lawmman PAKHATNA an rawn hawn a, RSC Field-ah vengchhung mipui ten ropui takin kan lo hmuak. Lawmman Pakhatna hian Citation leh Trophy bakah pawisa fai ₹ 1,00,000/- a keng tel baw a ni. Band member zing atang hian Drummer, Tv. Vanlalmalsawmkima Ralte chuan Best Drummer lawmman a dawng baw.



“Lalpan thil ropui min tihsak e.”



Ramhlun North Branch YMA Band te hian vengchhung mi inphal te hnen atangin thilpek thahnem tak kan dawng a, thilpek min petute hi tarlan loh theih an ni lo:

1. Dr. Vanlalhlana, Bialtu MLA: ₹ 5000/-
2. Tv. Jeffrey Zonunsanga: ₹ 1500/-
3. NI. Helen Zochhingpuii Zote: ₹ 2000/-
4. Local Council: ₹ 2000/-
5. Vanapa Section: ₹ 3000/-
6. MHIP, Ramhlun North Branch: ₹ 3000/-
7. Pu Lalthanliana te chung, T-Sec.: ₹ 3500/-
8. Neuva Section: ₹ 2000/-
9. Taitesena Section: ₹ 2000/-
10. Er. R. Rohmingliana, MLA, T-Sec.: ₹ 5000/-
11. Pu Vanlalfaka, AMC Corporator, N-Sec.: ₹ 5000/-

Heng bakah hian Pu C. Lalremruata leh a thianten an thianpa, Dr. Lalthianghlina (Fam) hriatreng nan T-Shirt an sponsor a. Pu Lalpawliana, N-Sec. leh Pu LP. Laltleipua ten Seki min hman tir baw a. Tin, MUP ten Darkhuang leh a stand min hawh tir in Pu Isak Zothianghlina'n khuang stand tha tak mai min siamsak baw a. Pu VL Zahawmna te chung leh Dr. Rintea (Jam Room) te chungah lawmthu kan sawi baw ni se. Kings & Prophets Studio chuan recording a thlawnin min tihsak dawn baw a ni. Thilpek petute leh tha leh zung sengtu zawng zawngte chungah Branch YMA chuan lawmthu a sawi tak meuh meuh a ni.

Band Member-te:

1. Vocal & Folk Musician - Lalthantluanga (Thuanga), T-Sec.
2. Drums - Vanlalmalsawmkima (MS-a), V-Sec.
3. Keys - VL. Thuneia, V-Sec.
4. Guitar -
- i. Malsawmsanga Hnamte, T-Sec.
- ii. Lalawmpuia (OPa), N-Sec.
6. Bass - Lalnunpuia, V-Sec.

Backing Vocalists: (Nula te)

1. F. Vanlalhruii, N-Sec.
2. Lalrinsiami, N-Sec.
3. Ruth Lalhmingmawii, K-Sec.
4. B. Lalbiaksangi, S-Sec.
5. Zodinsangi, T-Sec.
6. Helen Lalsiamthari, N-Sec.

Band Manager: Pu Lalmazawia, V-Sec.

Asst. Manager:

Pu Malsawmzuala Ralte, K-Sec.

Branch OB Incharge : Dr. Joseph Lalhmingliana, Asst. Secy.

LED Wall Technician:

- 1) B. Lalkhawngaiha, S-Sec.
- 2) Lalhmingliana, T-Sec.
- 3) Lalhriatpuia Ralte, N-Sec.

Sound Engineer:

Lalrammuankima, K-Sec.

Stage Crew:

1. Lalbuatsaiha, V-Sec.
2. Isaac Lallawmawma, C-Sec.
3. RD Lalrempuia, N-Sec.
4. Stephen Hmunropuia Singson, K-Sec.



RAMHLUN NORTH: ROCKCITY

Tunlai Zoram dung leh vang a titi lian ber pakhat chu 1st Inter Branch YMA Band Contest hi a ni ngei ang. He intihsiakna pui takah hian kan Branch YMA Band-te an che tha takzet a, lawmman Pakhatna an rawn hawn thei hi a lawmawm in fak an phu thlawt a ni. Zan tam rim taka inbuatsaihin, taimakna leh inpekna tak tak nen an thawhrimna avanga he hlawhtlinna an chang thei hi a ropui a, chawimawi an va phu em! Ramhlun North Branch YMA hming chawisanga khawtlang tihmingthangtu kan Band member-te zawng zawng chungah lawmthu kan sawi a, kan chhuang takzet a ni.

He hlawhtlinna ropui tak hian kan vengah talent tha tak tak a awm zia chiang takin a tarlang a, tualchhung thalaite tan chona leh entawn tur pawimawh tak a siam nghal bawk a ni. Kum 2018 khan Chanmari Branch YMA-ten an kum 60 tlinna puala an buatsaih Inter Branch YMA Beat Contest-ah khan Ramhlun North Branch YMA Band 'Pu Kaia Sap Sikul' ten lawmman pakhatna an lo la tawh bawk a nih kha. Chu hlimthla leh ropuina chu tun tumah hian thalaite bawkin an rawn chhawm nung leh ta a, 'Rock City' hming chawitu kan nihna chu a takin an rawn fiah a ni.

Rimawi hi intihlimna mai a ni lo a, thalaite rilru leh zia kaihruaitu, khawtlang tihmasawntu leh inpumkhatna thlen thei khawp a thiltithe i a ni. Tun tumah kan Band-te hlawhtlinna ropui tak hian thil thuk zawk min zirtir ngei beisei ila. Pathianin talent tha tak tak min pekte hi thup bo mai lovin huaisen taka hman tangkai theuh tum ila. Chutihruah chuan talent neih ringawt a tawk lo a, taihmakna, tumruhna leh thawhrimna nen beih zui a ngai a ni.

Ramhlun North hi Zoram rimawi khawvelah 'Rock City' ti khawp hial a hmingthang kan ni a. He hming duhawm leh chhuanawm tak hi chhawm nung zel ila, thangtharte thleng pawha vawng nung reng turin keimahni zawn theuhah taimakna, tumruhna leh inrin tawkna nen tan i la thar sauh sauh ang u.



KHAWTHLIR

YMA HISTORY - I YLA VARTIAN

Kan ramah Chanchin tha a lo luh atanga kum sawm li chhung (i.e 1984-1934) chho khan a pumpui thlirin Mizo khawtlang nun chu Kristianna hian a hruai hle tawh a. Lal leh Upaho rilru pawh Kristianna dodal zawnga kal sawi tur an awm tawh meuh lo tiin Pu Lalbiakmawia Ngente kha tih hunlaia General Secretary, Central Y.M.A khan kum 1998 khan “Y.M.A History 1935-1995” Central Y.M.A leh National Foundation for India tangkawp khan an lo chhuah tawh a ni. Bristish sawrkar rorelna hnuaiah khan, chhung lam leh pawn lamah ral a muang in, mipui an zalen em em a.

Tualchhung buaina neuh neuh leh harsatna tenau dangte chu awm ve bawk mahse chung chu ram nghina nghinpui tham a ni lo va, ralpui phiara han phiar chi lah ni hek lo. Mizoram khawtlang nun chu a nuamin a zalen a ni. Hun hlui Mizo nun nen khaikhinin chutiang chu ni mahse hun thar Mizote tan tih tur leh hmabak a la tam hle. Ram awptu tharte'n inawpdan thar hmangin mipui min hruai a, sakhaw tharin ram a la duai duai a, zima thar avangin rual el dan a inthlak danglam vek bawk. Khawvel kan thlir dan te, Pathian leh Mihring kan thlir dante chauh pawh ni lovin kan ngaihhlut zawng, kan intlansiakna nen lam a danglam ta a ni.

Khaw nghet nei lova insawn reng hnamin khaw nghet kan neih atang khan thlanmual siam hranpa te a han tul pang mai a, Bawrsap, thupekin 1930 atang khan khaw tin hi thlanmual neihtir kan ni ta a ni. Chutia mihring khawsak dan lo danglam ta chuan mamawh chi thar leh tul dang a siam hnem em em mai a, hun leh thil awmdan lo thar ta chuan Y.L.A din kha a rawn nawr chhuak a ni zawk e. Y.L.A din rawn titultu leh rawn nawr chhuaktu thil chu, hengte hi a ni ngei mai:

1) Zawlbuk chim: Mizo fate inzirna sang ber Zawlbuk hi Biak-In leh Sikulin a rawn luahlan a ni hrim mai a. Biak-Ina lawi leh Sikula lut an pun telh telh lai khan, Zawlbuk luah lumtute kha an tlem in an thawl ri ai ri ai thung a ni. Rei loteah Zawlbuk a ruak ta nual reng a.

Bawrsap hova tun din an tum sa teh chungin Bawrsap thu vekin 1938 khan Zawlbuk chu official angreng deuhva vui liam a lo ni ta a. Chutia Mizo tlangvalho nun chherna leh inthununna khurpui ber a lo chim takah chuan hun thar thalaiho nun kaihruaitu tur pawl din a lo tul ta a. Y.L.A an din hma fe atang khan mi hmasate khan he thu hi an sawi zauh zauh tawh thin reng a ni.

2) Hnam thila harhna: Mizo zirlai, Calcutta, Guwahati leh Shillong lama awmte'n 1926

lam atang tawh khan 'Lushai Student Association' indinin bul an tan a, hnam rilru kai thotu hmasa an ni. Chu chuan thu leh hla (Literature) lama harhna keng telin an hotupa ber pakhat Buchhawna chuan 1930 khan 'Mizo Hla' bu a chhuah a. Sêrkawn lamah 1932 vel atangin Concert Movement lianpui a lo chhuak leh a. Hmun tin maiah Mizo hla thar an hlimpui vanglai a ni a, Aizawl lama Students Re-Union nikhuua an infuihna te leh heng thil infinkhawm hian ram pum rilru leh suk thlek a siam a, mite'n hnam rilru an rawn pu tan ta a ni.

3) McCall-a huvang: He Bawrsap hi 1931 October khan lo chhuakin 1943 thlengin Zoram awptu a ni. Ani hian Khawtlang hmasawna ngaihtuah pawl (Village Welfare Committee) khaw tinah rawn dinin hmasawna beihpui a rawn thlak a, Cross Society te, Cottage Industries Board te a din bawk a, khua leh tui tha nihna kawnga kaihhraina 'Khaw Dan Sawm' a siam bawk a. He dan sawm hi tlang tinah mipuiin Lalhovin an sawi rual dual dual thin.

Khawtlang tana thahnemngaihna leh hmasawna kawngah mipui mit a tivar a, kha bawrsap kha mipui hawi her tidanglamtu pakhat a tling ve a ni. Hmasawna dal thei tur nia ngaiin, harhna pawh na tawkin a hrut a, dim lo tak a ni.

4) Kohhran leh Sawrkar inkungkaihna: A tlangpuiin Sawrkar hnathawkte'n kohhran mitmei venna an nei tlem a, an hna avanga chung en an hlawh laiin zu leh sa, mipat-hmeichhiatna kawngah hmasawna daltu ang deuha hmuh an ni thin. Khawtlang thil-a tanrualna tha pawh a awm thei lo. Inep dawn dawna, a kal changte pawh a awm thei hial a, harsatna nasa zawk a thlen hma-a pawl thar din tul-a hriatna a lo awm ta a. An kara thu lai sawi tur, mitin ang khata an tel theihna tur, Kristianna leh khawtlang nunin a mamawh ve ve si rel chhuah an mamawh a, rilruin an dap mek.

5) Mission rilru thar: Khang hun lai kha harhna avanga Mizo kohhran chhangchhiat lai tak a ni ve a, thlarau lam ze nawi tinreng avangin tlangtin an buai a ni ber mai. Hotute lu pawh a hai a ni chek ang. May 29 – June 2, 1935 chhung khan Aizawl ah Hmar chan kohhran rawngbawltu zahni rual zet mai te chu ko khawmin thu an zirho ta mup mup mai.

An thupui chu, 'Khawtlang tihthat' (Social Development) an ti mai a, chu chu then darhin mi hrang hrangin heng – Hnathawh Ropuizia, Hmeichhia Ropuizia, tih leh Sakhaw Tihthat tih thupui te hi an sawi a, an ngaithla a, an sawiho zel bawk a, an bei nasa hle. Kristianna hi van lam hawi chauh ni lovin lei nun, khawtlang nun luhchilh zawnga kalpui turin infuih an uar ta ber a, heng ho hi Y.L.A nau paiin an tiak theuh ang tih rin a har love.

Editor: Vanengmawia (7085878827); **Jt. Editors:** A. Lalfakzuala, Lalrotluangi Zote, , Henry VL Nghilhlova Zote

Manager: Lalremsanga Hnamte (8974845644); **Asst. Managers:** Zodingliana, Lalrinchhana, Lalrinawma

News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte

Circulation Managers: PB Lalhupazauva, Samuel Lahlupuia, Hmingthanzuala, Vanlalrinkima, R. Zodinsanga,

Isak Lalrinawma, Lalrinchhana, K. Lalmuanpuia



ZIN & HAW

■ Pu Lalrochama, Vice President Delhi lama hna pawimawh buaipuia kal chu dam takin a lo haw leh ta.

■ Dr. Joseph Lalhminglana, Asst. Secretary chu a fapa zirna buaipui turin Delhi lamah a zin.

■ Dr. PC Lalawmpuia, V-Sec. chu a hna thawhna hmun Champhai atangin a lo haw.

■ Pu Robert Lalremruata, V-Sec. chu hna thilah Chennai-ah a zin.

■ NI. Lalrintluangi d/o Malsawmdawnglana, V-Sec. chu a zirna hmun Delhi lamah a kal leh ta.



LAWMAWM

■ Tv. Lalrempuia s/o B. Sakhawliana, V-Sec. chu Co-Operative Audit Officer atan lak thar a ni.

■ Pu Ramhlunsanga leh Pi Lalrinawmi te nupa, V-Sec. chuan ni 23.08.2026 khan Civil Hospital, Aizawl ah fanu an nei.

■ Pu C. Lalduhawma leh Pi C. Lalruatpuii te nupa, V-Sec. chuan ni 20.08.2026 khan Ebenezer Hospital-ah fa phir an nei.



THILDANG

■ August ni 24, 2026, zing dar 4 vel khan Saizahawla Section a Pu Lianthangpuia te in (RN YMA Treasurer Pu Rorelliana te in) hnuai, Ramhlun Vengthar Line Bus turning point bula mi, steel fabrication workshop atan luah lai-ah kangmei a chhuak palh hlauh mai a, thil paw leh zual a thlen hmam thenawm hnei ten an thelh mit leh thei hlauh a ni. Kangmei in a kanchhiat te senghawiin thenawm leh lamhnai deuh te an hnattlang nghal a ni.

PPP MODE SANITATION COMMITTEE THU

PPP Mode Sanitation Committee chuan kum 2026 - 2027 inkar chhunga bawlhhlawh paih hna thawk turin heng mite hi a thlang -

MMV -

1. Pu Laltanpuia, Ramhlun North, Chawngbawla Section
2. Pi Lalchawiliani, Ramhlun North, Taitekena Section

LMV -

1. Pu Lalmawizuala, Ramhlun North, Khuangchera Section
2. Pu R. Lalthlamuana, Ramhlun North, Khuangchera Section

Solid Waste Management Rules 2026 in a phut angin bawlhhlawh chi hniha thliar thin chu September 2026 atangin chi li (4) ah thliar tawh tur a ni a, hetiang hi bawlhhlawh thliar dan tur a ni -

Ṭawih thei (Wet Waste)

Ṭawih thei lo (Dry Waste)

Sanitary Waste

Special Care Waste

Bawlhhlawh ṭawih thei leh ṭawih thei lo hi a paih hun pangai ah paih chhunzawm zel tur a ni a, Sanitary Waste leh Special Care Waste paih hun tur chu hetiang hi a ni -

Main road - Inrinni

College road - Zirtawpni

Sihpui road - Inrinni

Pickup kalna road - Inrinni

Sanitary Waste leh Special Care Waste in a huam chin Maryma Extra page-ah tarlan a ni a, uluk taka lo thliar a vawng theuh turin PPP Mode Sanitation Committee chuan chhungtinte a ngen a ni. Tin, Sanitary Waste leh Special Care Waste te hi carbage bag emaw ip phui tha takah dah tur a ni a, a paih hun siamah chauh paih tur a ni.

LEI PIAH LAMAH



Lalhmunsiam Varte, K-55 h/o Malsawmkimi, C-Sec. chu 25.08.2026 dar 08:30 PM khan a boral a, a ruang hi lumen niin a tuk ni 26.08.2026 chhun dar 12:00 ah Ramhlun North Thlanmual, Zemabawk ah vuiliam a ni.



Lusun khawhar chhungte thlamuantu Pathianin vengin awmpui zel che u rawh se.



DAMLO

■ Pi Hrangthluaii m/o R. Zonunmawia, Branch Adviser, chu Ebenezer Hospital atangin in lamah inenkawl chhunzawm turin a lo chhuak.

■ Lallawmzuala Hauhnar s/o Dr. Lalremruata Hauhnar, C-Sec. chu awmna avangin LRM Hospital-ah enkawl mek a ni.

■ Pu Vanrotluanga, C-Sec. chu natna hrang hrang avangin LRM Hospital-ah enkawl mek a ni.

■ Pi Lalhmuaki w/o K. Lalbiakkima, S-Sec. chu khawsik avangin ZMC&H ah enkawl mek a ni.

■ Pi K. Lalchhuanthangi w/o Rongailiana Khiangte, N-Sec. chu Mizoram State Cancer Institute, Zemabawkah enkawl mek a ni.

■ Pu H. Lalhmachhuana, T-Sec. chu natna hrang hrang avangin in lamah enkawl mek a ni.

■ Pi Lalrinawmi w/o Jimmy Zosanglana Sailo, V-Sec. chu Ebenezer Hospital ICU ah enkawl mek a ni.



PAWL DANG

■ **Ramhlun Tennis Club:** August 10-14, 2026 chhunga Inter Club Independence Day Tennis Tournament, 2026 khel ah Ramhlun Tennis Club te chuan Final-ah Aizawl Tennis Club te hneh lo in a vanduai zawk ah an tang a ni. Ramhlun Tennis Club hiam team nga thawh chhuakin a thawh hnem ber an ni.

■ **Ramhlun North Beautification Committee:** Thlanmual hluiah hnahsin a par chho tan mek a, chutih laiin bawlhhlawh lo paih hnan kan awm tlat mai a, hei hi chin tawh loh atan a duhawm khawp mai. Tin, hnahsin hi lo rap chhe lo tur leh lo phawi lo turin kan in ngen baw a, dimdawi tak a min venpui turin vengchhung mipuite kan insawm tak meuh meuh a ni e.



KOHHRAN

■ **Ramhlun North Presbyterian Kohhran:** Ni 24.08.2026 (Thawhtanni) zan khan Ramhlun North Branch KṬP te chuan Youth Night an hmang a. He hunah hian Youth Fellowship-te nen hun hmang ho in mi 350 bawr vel an inkhawm thei a ni.

■ **Roman Catholic:** August 30, 2026 hi Diocese Catholic Hmeichhe Pawl Ni Vawi 13-na chu St. Thomas Parish (Bial) CHP ten ropui taka hman an tum. Pathianni Mass ban vele program hi St. Thomas Parish Hall, Ramhlun ah hman a ni ang a, Sr. Ruth Zonunthari (Director DCHP) hnen atangin DCHP Day thupui ngaihthlak a ni ang. Inkhawm banah Variety program hman chhunzawmin Adoration hmanga tawp na siam a ni ang.

■ **Salvation Army:** Ni 23.08.2026 (Pathianni) kha League of Mercy (khawngaihtu pawl) Sunday a ni a, he mi denchhen hian ni 22.08.2026 (Inrinni) khan Ramhlun North Corps a LOM te chuan, vantlang step leh side drain thenkhat te tifiain an hnattlang.

■ **Baptist Kohhran:** Tukin (Inrinni) zing khan Kohhran Committee meeting nei a ni a. Kohhran inrelbawlina leh lehkhah hmuh hrang hrangte an ngaihtuah.

An Kohhran Member, Pi Lalrempuii Zadeng chu ni 25.08.2026 (Thawhlehi) zan khan Kohhran pum huapin an ral.



DCA COMPUTER COURSE



ADMISSION OPEN (5-5)



December 2026 Exam



Free Benefits



Free Admission



Free Textbook



Limited Seats Available



E-STAR.COM



Govt. Approved



Computer Institution



Near Nazareth Hospital



Ph: 8731875084/7005421131

E-STAR.COM

HENGTE HI KAN SIAM

THEI BAWK

GOLDEN CARD, MUHCS CARD
SIAM, PANCARD, AADHAR CARD
DOWNLOAD, TRIBAL,
RESIDENTIAL, INCOME
CERTIFICATE, INHMUN HMING
THLAK, ONLINE A RAM TEH TUR
BOOK, UDHAM REGISTRATION,
PASSPORT PHOTO, XEROX,
PRINTING, LAMINATION,
EMPLOYMENT REGISTER,
LEARNER LICENCE, etc.,

MARYMA		PHEK 4-NA		RN YMA CHANCHINBU	
ARTICLE		ADVERTISEMENT			
ZALENNA, CHANVO LEH MAWHPHURHNA - Emma, C-Sec. Kum za hnih dawn kumpinu sorkar in India a awp hnuah kum za bi 20-na a rawn herchhuak a, zalenna kaw! eng beiseia inrelbawl hran duhtu te awrawl hmeh mih nan mipuite chu an ngaihdan sawi phalsak an ni lo fo thin. Awptu ata zalen duhna thinlung ram mipuiin an put nasat lehzual hnuah, a bik takin, zalenna sualtute chu zalenna thu leh mipui sukthlek hruai kawi thei nia kumpinu sorkar in a hriat te sawi chhuah phalsak an ni lo fo. Kumpinu sorkar duh dan ni lo tualchhung mi ten ngaihdan leh duhdan dang an neih an hlau em em a, chutiang ngaihdan nei nia an hriat te chu sorkar laka helah puhin tan in a khung an ni a, phalna nei lova punkhawm an khap hial thin a ni. Zalen taka thusawi leh ngaihdan puan chhuah a rem lova, dan phuah chawp tak tak hmangin kumpinu lal tiang an lek a, rual lo takin buk lung an khai thin a ni. A tawi zawngin, zalenna kan sual chhuah hnuah ram danpui neih pawimawh zia hria in Dr. BR Ambedkar-a kaihhruai Drafting Committee din a ni a, he Committee rawtna te siam rem ngai siam rem a nih hnuah November 26, 1949 khan ram danpui chu pawm a lo ni ta a. He danpui hi January 26, 1950 atang khan hman tan a lo ni ta a ni. A tir atangin mipui ten zalen taka an ngaihdan an puan chhuah theih nan khua leh tui zawng zawngte freedom of speech and expression pek an ni a, tun thlengin kan ram (democracy) hnuk a la ni reng a ni. Chief Justice of India 50-na, Justice D. Y. Chandrachud chuan mipuiin zalen taka an ngaihdan an puan chhuah theihna hi eng nen maha thleng phal chi a nih loh thu leh ngaihdan hrang hrang infawkkhawm chu he ram tana tha ber a nih thu a sawi a. Hei hian zalen taka mimal ngaihdan puan chhuah theih hlut zia a tarlang Chiang Hle awm e. Amawherawhchu, he dan hi India khua leh tui te tan chauha duan a nih avangin dan hian mikhual leh khua leh tui nihna nei lote (mihring, pawl, company, adt.) a huam ve lo a ni. Danpui (constitution) in zalenna leh chanvo hrang hrang min pek te hi dik tak leh a nihna ang taka hman a nih theih nan he danpui vek hian a ken tel mawhphurhna a tarlang nghal a. Zalenna, chanvo leh mawhphurhna hi inkawp tlat, dan hnuaia then hran theih loh a nih laiin kan zalenna leh chanvo kan hriat chian tlukin kan mawhphurhna kan hrechiang taw! lo palh ang tih a hlauhawm hle. Ram danpui hnuaia kan zalenna leh kan chanvo te hian ram mipuite inpumkhatna leh inunauna a ti chhe tur a ni lova, ram chhunga state hrang hrang te leh ram dang te nena kan inlaichinna a tichhe tur a ni hek lo. Vantlang thatna tura sorkar thupek te, midangte zahawmna tihbawrhban leh chhia leh tha hriatna hmang thei lo tura siam te, court thuchhuak/thupek zah loh te hi zalenna leh chanvo in a huam lova. Midangte dawta puh hmingchhiat leh dan bawhchhe tura midangte fuih turin zalenna kan nei lo a ni. Hnam Pa, Mahatma Gandhi-a chuan zalenna leh chanvo hi mawhphurhna rah a ni a, mawhphurhna hi mimal zalenna leh chanvo hmaa ding tlat a ni tiin mawhphurhna hlen pawimawh zia a sawi. Zalenna, chanvo leh mawhphurhna hi pawimawh bik awm lova inrual taka chheh an ni a; lungthu chu pakhat lek pawh a kim loh chuan hman theih a ni lo ang hian Zoram nuam siam turin zalenna, chanvo leh mawhphurhna an pawimawh em em vek a ni.					
OUR LITTLE SHOP (5-4) School Uniform chi hrang hrang wholesale leh retail-in kan pe thei e. White shirt (kamis var) puan tha leh uniform socks (mawza) kan kaw! baw! e. Our Little Shop, Ruata Zote In, Ramhlun North, Biakin Mual Ph: 9862810920/8413934118					
KC TUI Tui thianghlim leh fim tha em em, Pick up in litre 2000; tlawm takin kan pe thei e. Ph: 9774 223 462 / 7005 010 327 (10-1) MD SEPTIC TANK SERVICE Septic Tank paih fai leh commode block, soak pit hlui leh a thar kan siam thei a, pipe fitting engkim kan thawk thei e. Rate: Inbiakremna Ph: 8258950077 (10-6) VANLALFELA SEPTIC TANK Septic tank paih fai, commode block, pipe, soak pit tha lo leh a thar pawh kan siam thei reng e. Kan sulhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tlawm e. Contact: 9436199884 (10-6) KHIANGTE SEPTIC TANK SERVICE Septic Tank khat paihfai, khur chhung lutin, Comode Block, Soak pit thar siam, Pipe Repair engkim a neitu te lungawi na thlap in kan thawk thei e. Contact - 9862344971 Bawngkawn South (20-6) L.H. SEPTIC TANK SERVICE Septic tank paihfai leh repairing engkim kan thawk thei e. Kum 17 chuang experience nei kan ni e. Rate: 4500/- per trip Ph.: 6909183193 (23-4) JM SEPTIC TANK SERVICE Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e. Rate: inbiak remna. Registration: MRS 542 Contact: 9862476439 (20-2) TLUANGTEA SEPTIC TANK SERVICE Septic tank khat paih leh repair kan ti thei reng a, rate chu inbiakremna a ni ang. Contact: 6033373188/9612376373 C/o Marina: 9436140350 (5-2) MAFELA SEPTIC TANK SERVICE Septic Tank khat paih fai, commode block, pipe fit, soak pit thar siam engkim kan ti thei e. Rate: Inbiakremna Ph: 9233440125 (21-3) VANCHHAWNG SEPTIC TANK Septik tank khat englai pawh in kan paih fai thei a,repair,commod block,pippe block kan siam thei baw! e, Rate: Inbiakremna Ph. no: 9615458679 (10-6) RAMHLUN NORTH SEPTIC TANK KHAT TAN Septic Tank Paihfai leh Repairing engkim kan ti theih e. Comode “Block, Pipe Fit,Ek in khur leh,Soak pit tha lo,a thar pawh kan siam theih reng e” RATE: INBIAKREMNA Mb-9863524969 / 9383178166 (20-9) ALLCLEAN SEPTIC TANK SERVICE Septic Tank paihfai, a khurpui repairing leh a thar siam, pipe fitting, commode block, soakpit a hlui repair leh a thar siam, etc. engpawh kan thawk thei vek e. Eng hunah pawh koh theih kan ni e, en man a awm lo e. Rate: Inbiakremna Contact: 6009002567 (10-8) SP TUI Tui hna thianghlim, ei leh in tlak, litre 2000 pickup trip kan pe thei e. Mobile: 9615789047 (15-13)					
Published & edited by Vanengmawia for and on behalf of Ramhlun North Branch YMA. Copies- 1,270					